



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dialogue De La Tres-Saincte Vie De La Vierge Marie. De
ses eminentes perfections, & les devoirs que nous luy
deuons rendre**

Pont-A-Movsson, 1649

CXLVII. Le culte de Latrie luy peut il estre donné?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

Sans doute l'honneur qu'on luy rend est inferieur infiniment à celuy qu'on rend à Dieu, & au Verbe Incarné, que nous appellons *Culte de Latrie*: mais beaucoup superieur à celuy que nous portons aux Anges, & aux Saints (qui dans les écoles s'appelle *Culte de Doulie*) à raison de l'eminence de ses graces, & de la dignité de la Mere de Dieu, laquelle fait vn ordre si releué, que nul autre ne luy peut estre égal: Ce qui a donné occasion au saint Esprit d'inspirer l'Eglise à l'honorer d'vn culte particulier, qui se nomme *Hyperdoulie*.

CXLVII.

Le culte de Latrie luy peut il estre donné?

Si l'on la considere comme enceinte du Fils de Dieu, ou comme l'arbre, auquel le fruit est vni & attaché, qui doute que son fruit estât adoré d'adoratiõ de Latrie, la Vierge considerée pleine de ce diuin fruit, ne puisse estre adorée, ou

coadorée du mesme culte avec luy, à meilleure raison que la couronne Royale vnüe à la personne du Roy est honorée, aussi bien que le Roy: C'est le mesme des especes Sacramentales, du saint Sacrement, & de la sainte Croix, à laquelle le Fils de Dieu fut attaché pour nos pechez.

CXLVIII.

L'a-t'on honorée en tous les siecles?

Auant sa naissance les Prophetes ont publié ses loüanges: en tout temps, & en tout lieu, & par toutes les nations de la terre on l'a exaltée: voire elle a esté loüée par tous les Anges, & les Saints dans le Ciel: Dieu mesme l'a appelée bien-heureuse; de façon qu'on luy peut dire, ce qu'on disoit à Iudith. *Le saint Esprit a rendu vostre nom si recommandable, que iamais les bouches des hommes ne cessront de vous loüer, se souuenans des merueilles, que Dieu a fait en vous, & par vous, à la race humaine.*